





ILLVSTRISSIMO

NOBILISSIMOQVE VIRO

DOMINO D.

DIONYSIO LE VAYER.

EQVITI, DOMINO DE LA CHEVALLERIE,

SVPREMÆ SVBSIDIORVM CVRIÆ PARISIENSIS

Senatori integerrimo, &c.

Y T I A I N E I N.



*AMILIARE* quidem est (VIR ILLVSTRIS-  
SIME) multis in Arenam, in quam prodire medi-  
tor, descensuris, vt Principum & Magnatum  
Vivorum Nomen inscribant suis Theorematis.

At certè hoc ipsum pauci præstant eadem quàm Ego,  
mente; Scilicet alij magnis affecti Beneficijs, quia  
paria referre nequeunt, verbis remetiantur Gratiâ: Alij  
sibi grande Præsidium quæsituri, ne non exorent, publicè rogant.  
Mihi verò nulla res alia Fores Tuas aperuit, quàm Tua Virtus,  
cui prona sunt omnium qui Te norunt, ingenia: & vt sine alijs  
causis ad Te mihi pateret aditus, satis fuit, quòd pateat omnibus.  
Sic enim Te Deus finxit, vt à conspectu Tuoneminem absterreas &  
colloquio, sed vel verecundis timidioribusque Tui copiam facias:  
sic in Te cum Equitate Benignitas, cum Prudentia Candor, cum  
Eruditione Simplicitas, cum Affabilitate consentit Iudicis Dignitas,

A ij

vt in hoc confuso Virtutum omnium Temperamento nemo sit, qui simul Senatoris Majestatem, Privatique Hominis Mores, vt decet, melius exprimat. Atque his artibus Majorum Tuorum more tenes suspensos Tui admiratione nostrorum Popularium animos, nec minùs Tibi devinctos Per-illustres Tui Ordinis Viros. Plura dicere supersedeo, ne tuam videar offendisse Modestiam, qua nihil tam habet commendatum, quàm à nullo commendari. Liceat tantùm aliquid lucis à tua luce mutuari, Teque ab illo Solio in quo summa cum Authoritate sedes, in subsellia Medica devocare. Minimè verò dubito quin huc sponte venias, vbi Principem invenisti Regine Medicum, quem tue Familia nuptijs conglutinares.

VALE.

Addictissimus tibi  
BERT. DIEUXIVOYE.

# QVÆSTIO MEDICA,

QVODLIBETARIIS DISPUTATIONIBVS

MANE DISCVTIENDA IN SCHOLIS MEDICORVM,

Die Iovis XII. Decembris,

M. LVDOVICO LE NOIR:

DOCTORE MEDICO,

Moderatore.

*An Maribus, vt Feminis ex Veneris abſtinentia  
graviſſimi affectus?*



NON minùs peccant in ſua valetudinem qui æta-  
tis & naturæ beneficio validi, Venere penitus abſti-  
nent, quàm qui petulantiùs ipſam exercent: Sed  
horum numerus longè major, hoc ſiquidem cupidi-  
tatis genere nihil faciliùs accenditur, ſed nec quid-  
quam faciliùs & recrudescit. Vndique circumfundi-  
tur, & per vias omnes inſluit, *b* cantu, *c* viſu, conſue-  
tudine, balneo, cibo, potu, ſomno, opportunis Veneris antecœnijs.  
Eius tyrannidem adeo ſerè cuncti experiuntur, vt ne hiſquidem per-  
petuò parcat, *d* qui ſolent perpetua celebrare Nephalia. Ipſe alimen-  
ta ſibi maxima præbet Amor, multisque evenit, vt dum eum ex-  
plendo conantur extinguerè, *e* magis irritent, & libidinoſiores eva-  
dant: vſque adeo blandum res Venerea malum eſt, *f* quod accuſare  
faciliùs ſit, quàm vitare; Hinc conjuges multi, cælibes pauci, & qui-  
dem inter hos plures qui Sapphus mores, quàm qui ingenium æmu-  
lentur. Rariora proinde ex retento, quàm ex proſuſo Semine mala,  
ſed ſanè graviora, paſſimque *aſiata*, quod vtplurimum in illos inci-  
dant, quos neque pudor morbi cauſam detegere, neque vitæ institu-

A iij

rum ac Virginitatis propositum, patitur genus remedij promptum atque idoneum adhibere.

*a* Æsop. & Per. f. 4. *b* Plutar. i. sym. qu. 5. *c* Ouid. ep. 4. Aristæ. epist. 12. l. 1. *d* Exemplo Diog. de quo Qu. Cur. & Gal. 6. de l. aff. *e* Hip. l. de Natura pueri. Arist. 7. hist. Animal. c. 1. *f* Val. Max.

**F**REQUENTIORIS Veneris usus ea ferè profert symptomata, quæ immoderatas vacuationes consequuntur: eiusdem planè neglectum studium non leviora interdum accersit, *a* quàm quæ ex hausto veneno oriuntur: ita nempe ad secundam valetudinem refert, *b* vacuum sit excrementis corpus, ut non alia sit frequentior morborum causa. Et ferè leviores sunt, quos peregrinus, periculosiores quos Naturæ familiaris excitat humor, maximè cum à nativa indole, suæque conditione desciscens, planè in contrariam recidit: Sic pane, optimo cibi genere repleti, pessimum: sic corruptus crudusve chylus contumaces affectus parit, in ditioribus præsertim ac delicatiss: eò longè deteriores Naturæ thesaurus sanguis, qui quamdiu purus est, ad animalis salutem; cum redundat, in grumos cogitur, putredinem, ac gangranam subit, ad eiusdem se convertit perniciem, unde *c* Ictus semper calamitosus, *d* Epilepsia, *e* Stoliditas, Febres varij generis, ipsa denique mortis prænuntia, *f* Syncope. Sanguine ipso quantò præstantius est, & majore operâ elaboratum Semen, *g* tantò & vehementiores invenit morbos, hoc solo inferius, quòd ab illo quandoque nonnulli repente moriuntur: huius vitio multi *h* elati reviviscunt, sed ut sæpius deinceps videantur interire. Ita ne verò facile putret clausum vesiculis Semen, cuius quantacumque sit copia, certè *i* perexigua est? Vides ut hausta è flumine aqua vitium capit, si in *l* situla diutius affervetur immota, in ipso flumine vel mari numquam.

*a* Gal. de locis aff. c. 5. *b* Gal. 1. de san. tu. Fer. *c* Aurelius Viç. Nic. Borbon. *d* Hip. in Coacis. *e* Hipp. l. de aër. loc. Gal. lib. quod a. m. *f* Fer. 2. abd. rerum c. ca. 15. *g* Gal. 6. de loc. aff. c. 5. *h* Merc. lib. de mor. mul. Rab. mor. 2. Directorij c. 41. *i* Arist. f. 4. probl. *l* lib. 4. Meteor.

**M**ARIS & Feminae ut idem ferè est in Venerem ardor ac inimpetus, *a* sic quod ad Seminis productionem spectat, par ratio: nisi quod à validiori calore, laudabiliorique sanguine copiosius in illo cumulat. Cibi præsertimque vini liberaliore usu accenditur: Mulierum Maribus formosiorum (utpote quæ *b* Iyngem ac Veneris Cestum habeant) conspectu proprijs in conceptaculis turget, ac velut ebullit: Testibus denique eius materiæ è qua fieri amat, nihil ut



in Feminis singulo quoque mense tacite à Natura subducitur. Tot ex causis frequentius promptiusque in Viris exuperat, ac si quando loci impatiens hospiti suo grave esse incipiat, vt nec fructum iniici, nec eius reprimi feritas possit, vbi non ampliùs patitur regi se à calore nativo, tumultuatur, fervorem, putredinem, sæpe & ferinam inducit qualitatem, imò aliquando veneni vires, ac conditionem obtinet, c vt prorsus venenum fiat in corpore vivente. Hinc sæpe videas Viros perinde ac Feminas stupendis divexari morbis, atque symptomatis, & quidem erudito Medico dignis, nec vlli his magis obnoxij, quàm d sanguinei, & qui iustum temperamenti modum sunt consequuti. Sic illis vulgò infensa Venus est, quibus fuit invisa, penèque evenit utriusque sexus hominibus, vt lucis vsuram amittant, cùm eam aliis conferre prohibentur, aut reculant.

<sup>a</sup> Gal. lib. de fem. <sup>b</sup> Eras. in Ad. <sup>c</sup> Gal. 3. de l. aff. c. 7. & 6. eiusd. c. 5. Fer. lib. 2. de abd. rer. caus. c. 15. <sup>d</sup> Gal. 6. de san. tuenda.

**SEMINIS** redundantiam (cui non semper medetur commodè *Svenæ* sectio, labor, *δλυσση*) nisi licita Venus humanæ pars melior vitæ minuerit, morbos expecta quam plurimos, ægro tædium, negotium Medico maximum creaturos. Mille modis exercet miseros Amantes, & cùm semel in eos sævire cœpit, nullam partem suæ finit offensiois expertem : <sup>a</sup> Plethorâ premittitur corpus ; nec solum Testes, pudendasque partes prima mali labes affligit Tumore, Tensione, Dolore, <sup>b</sup> Priapismo, <sup>c</sup> Gonorrhœa, & Vrinæ ardore ; latius manat eius perniciēs, & Facultatibus, partibusque Principibus bellum indicit, nullo personarum & sexus discrimine. Occurrat pallida, decolor, <sup>d</sup> Ictero-ve laborans Virgo, doles illius vicem, optasque promittas ipsi parari nuptias. Scito verò easdem fore huic Auriginoso adolescenti non minùs salutares. Quod huic ipsi sit <sup>e</sup> Concitator alvus, cui <sup>f</sup> Venus apprimè medeatur ; nullo <sup>g</sup> Cibi desiderio tangatur Stomachus, Ingesta non complectatur Ventriculus, Macie & Languore confectum corpus nullis remedijs, nullis iuvetur alimentis, sed solo Aphrodisiasmo instauretur, tum demum mirari desines, cùm intellexeris quo fonte mali tanta sit derivata clades, quæ vel ad arcem vitæ Cor propagatur, ac Febre <sup>h</sup> Spermaticâ Veteribus cognitâ, sed indistinctâ, <sup>i</sup> Lipothymia, Syncope, Palpitatione, Pulsu inordinato, inæquali, confuso, nec aliter Amatorio innotescit.

<sup>a</sup> Ex Gal. li. de pl. c. 12. Ar. 1. de gener. Anim. <sup>b</sup> G. sexto de l. aff. c. 5. & Sinibald. in Gencan. <sup>c</sup> Idem. <sup>d</sup> Arist. 4. f. probl. 30. <sup>e</sup> Idem & 1. de gener. an. c. 10. <sup>f</sup> Hipp. vlt. Epid. & 6. Arist. 4. sect. prob. Duretus in Coacas.

<sup>g</sup> Gal. 6. de l. aff. c. 5. <sup>h</sup> Gal. ibid. Lud. merca. lib. de mor. mul. Sinibaldus Gal. loco laudato.

194.  
**N**EC paucioribus patet iniurijs Cerebrum, quamvis ab ijs partibus longè sit diffitum, in quibus coërcitum Semen cæcâ putredinis labe inficitur. Cùm venenatâ illius aurâ quatitur, ipso licet Hercule valentior æger corruiat *a* Epileptico lacessitus insultu, à quo non antè immunis fuerit quàm in *συμψύχῃ* quidpiam Epilepticum sit expertus. Est & vbi malè ipsum habet *b* Aphonia, Dyspnœa, Vertigo, *c* Stupor, Cephalalgia, Sopor, Vigilia, *d* Incubus, Hysterica suffocatio, non adeo Feminarum propria, quin & simili planè affectu, sed & alio (silubet) nomine donando *e* Viri corripiantur, quemadmodum & *f* Furor ac rabioso illo Delirio, sub quo miseri Amantes nihil aliud obloquuntur & cogitant, præter inuerecundam Venerem, cuius desiderio pruriunt, æstuant & rumpuntur. In hoc etiam censu est Erotomania cognata *g* Melancholia, omnium qui ex amore oriuntur, affectuum deterrima, & quæ varijs se prodit modis: nempe alius consortium hominum fugit, vt in Dominæ se totus imagine verset: alius dum rei amatæ compos fiat, *h* ne centies quidem recuset mortis adire periculum: alius vitæ pertæsus mortem sibi consciscit: tantum denique valet Seminis immoderata suppressio, vt vix sit alia causa frequentior: fictæ Dæmonomanias, quâ vix quemquam laborare audias, qui *i* Naturæ sacra faciat, sæpius autem Succulentas, Cælibes, Virgines Dæmonem non ampliùs mentituras, si quod Exorcismo fuerit proximum, nubere liceat.

*a* Gal. 3. de loc. aff. c. 7. & 6. lib. c. 5. Fern. lib. 2. abd. *b* & *c* 4. de loc. aff. c. 5. *d* Ex Aët. lib. 6. c. 12. Calius 1. Chronic. *e* Gal. de loc. aff. *f* *g* Affectio-  
 num ratio ex Hipp. lib. de Virg. & Gal. 6. de loc. aff. c. 5. *h* milesiæ Virgines  
 Plut. mulieres Lugdunenses Hier. merc. Phœnices Amatores Gal. Lucretius,  
 Silanus, &c. *i* Vide Ritu. Rom. *l* Affect. ex Hipp. lib. de Virginibus, & Gal.  
 leno 6. de loc. aff.

*Ergo Maribus et Feminis ex Veneris abstinencia  
 grauiissimi Affectus.*

Proponebat Lutetiæ BERTINVS DIE V X I V O Y E.  
 Cenomanus, Anno R. S. H. M. DC. XLVII.

DOMINI DOCTORES DISPV TAT V R I.

M. Paulus Courtois.

M. Ioannes le Preuost.

M. Robertus Tuloie.

M. Petrus Morian.

M. Nicolaus Cresson.

M. Dionysius le Soubz.

M. Guillelmus Petit.

M. Ioannes Confin.

M. Bartholomæus Baisalis, Med. R.

*cette thèse est le 972<sup>e</sup> de la VI  
 du recueil in folio.*